

229558

成都工學院圖書館
基本書庫

卷〇三六五 臺字

卷〇三六六 臺字

卷〇三六七 臺字

永樂大典



三
一

77
72
00
73

永樂大典卷之二千六百六

七皆

臺

朝廷稱臺

雲麓漫抄南史凡朝廷遣大臣督諸軍於外謂之行臺自臺出師謂之臺兵或有自行臺被彈者因仍故號則自稱

朝廷為臺如言向臺及臺遣使之類是也與漢人言縣官無異甚至曰京師之城為臺城梁呼建康為臺城至今言之

省禁稱

臺

近事會元晉宋間謂朝廷禁省為臺故禁城為臺城官軍為臺軍使者為臺使卿士為臺官法令為臺格需科曰臺所求須調發曰臺所

遣兵今人於他處指建康為臺城非也晉益州刺史文治太城蜀郡太守治少城皆在成都猶云大小城今於他處指成都為小城非也

尚

書臺

事物紀原漢有尚書臺近事會元在司馬門內聽政門外魏都賦注曰升賢門內有聽政閣閣外東入有尚書臺

文昌

臺

類說唐高宗政尚書省為文昌臺尋後資治通鑑唐則天光宅元年九月甲寅改尚書為文昌臺

都臺

近事會元唐則天垂拱元

年二月改文昌部省為都臺。至神龍二月二月。詔依永淳已前官名。

麟臺

近事會元唐則天垂拱元年二月改秘書省為麟臺。至神龍二

年二月。詔並依永淳已前官名。六典後唐改秘書為麟臺。唐宋之間詩各夜寓直麟臺詩。直事披三閣。重閣秘七門。廣庭憐雲淨。狹室喜爐溫。月幌

芒虛馥。風槐竹暗喧。東山白雲意。茲夕寄琴言。白居易詩。酬盧秘書詩。世家標甲地。官職滯麟臺。

鸞臺

資治通鑑唐則天光宅元

年九月甲寅。改門下省為鸞臺。宋史程公許傳。公許字季與。一字希穎。叙州宣化人。遷將作少監。上官朝廷。今侍從臺諫條具。易諸利害。尋降旨以

新造十八界。折五行使。公許繳申省。高之格不行。徑揭黃榜。公許謂不經鳳閣鸞臺。不得為敕。朝廷出令而宰相擅行。如此則掖垣可廢。累上奏牘。

徑欲

容臺

淮南子夏桀之時。容臺播而掩覆。引去。禮泰之大常臺。近世以禮部為容臺。

曲臺

鄭氏譚綺稱太常寺曰曲

臺。武陵圖經在郡提刑司西。鸞舊廳側。取永嘉陳謙所書。詩云。宋伯舊為丞。曲臺今作長。欽聞孔聖言。德理政刑上。宋李曾伯可齋集賀陸常卿兼

脩。注。啓議主曲臺。仕稽古禮文之事。書言直筆。為御朝言動之司。

銀臺

唐書貞元十二年。左右十軍使泰黎駕去。冬。章諸營於銀臺門。

外立碑紀聖迹。太和九年九月。帝幸右銀臺門觀門樓興功。大中二年正月。修右銀臺門樓。又曰。唐肅宗乾元二年。御史臺大理寺重囚。或推斷未畢。李輔國進詔銀臺。一時縱之。又曰。宣宗大中二年。神策軍修左銀臺門樓屋宇。及南面城牆。至睿武樓。禁扁唐左右銀臺有二。一在東京宮城內。一在大明宮東西。李白詩。君登金華省。我入銀臺門。五代史。梁以正衡東偏門。為左右銀臺門。宋史。淳化四年八月癸酉。以向敏中張詠。始同知銀臺通進司。視章奏按牘。以稽出入。九月乙巳。以給事中封駁銀臺通進司。夢溪筆談。銀臺司兼門下封駁。乃給事中之職。當隸門下省故事。乃隸樞密院。下寺監。皆行劄子。寺監具申牒。雖三司亦言上銀臺。主判不以官品。初冬獨賜翠毛錦袍。學士以上。自從本品行集。同樞密院。雜司人吏主判。食樞密廚。蓋樞密院子司也。四朝間。見錄嘉定初。倪公思以禮部侍郎上疏。乞以諫議大夫。隨宰相班奏事。上手答甚寵。且許之。時相疑其為僞。歸咎奏邸報。史妄撰聖旨。杖背而黜之。時山東歸附者衆。荆襄帥臣列強弩射之。使還。慈湖楊公簡手疏其事。以白上。謂此非仁術。且失中原心。以少婚錢。賂銀臺通進司吏。繳送上。至以楊公疏宣諭時。相時相以容臣契勘。後于上遂止。劄下契勘銀臺。不應受餘官奏。惟從官可也。仍用治邸史。

法治臺史。蓋舊典獨許從官繳奏。自銀臺入時。銀臺蓋已不復用典。雖從官亦納劄。廟堂真文忠已居玉堂。終以官非正從。當制有所可否。亦止入劄。乞教奏。楊公急於發上。故不暇用典也。

都水臺

事物紀原。漢武元鼎二年。始置水衡。初。秦有都水丞。於是水衡方有都水。

帝置都水。謂之都水臺。隋書百官志。都水臺使者及丞各二人。參軍三十人。河堤謁者六十人。錄事二人。領掌船局。都水尉二人。又領諸津上津每尉一人。丞二人。中津每尉丞各一人。下津每典作一人。津長四人。

謁者臺

隋書百官志。謁者臺。大夫一人。從四品。五年改為正

四品。掌受詔勞問出使慰撫持節察授及受冤枉而申奏之。駕出對御史引駕。置司朝謁者二人以貳之。從五品。屬官有丞一人。主簿錄事各一人。等員。又有通事謁者二十人。從六品。即內通事舍人之職也。次有議郎二十四人。通直三十六人。將事三十人。謁者七十人。皆掌出使。其後廢議郎通直將事謁者等員。而置負外郎八十員。尋詔門下內史御史司隸謁者五司監受表以為恒式。不復專謁者矣。尋又置散騎郎。從五品二十人。承議郎。正六品。通直郎。從六品。各三十人。宣德郎。正七品。宣義郎。從七品。各四十人。徵事郎。正八品。將事郎。從八品。常從郎。正九品。奉信郎。從九品。各

五十人。是為正員。並得祿當品。又各有散員。郎。無員。無祿。尋改常使。為登仕。奉信。為散從。自散騎已下。皆主出傳量事。大小擬品以發之。

司

隸臺

隋書百官志。司隸臺大夫一人。正四品。掌諸巡察。別駕二人。從五品。分察畿內一人。兼東都一人。兼京師。刺史十四人。正六品。巡察

畿外諸郡。從事四十人。副刺史。巡察其所掌六條。一。察品官以上理政能。二。察官人貪殘害政。三。察豪強姦猾侵害。下人及田宅輸制。官司不能禁止者。四。察水旱蟲災。不以實言。枉徵賦役及無災妄蠲免者。五。察部內賊盜不能窮逐。隱而不申者。六。察德行孝悌。茂才異行。隱不貢者。每年二月。乘輅巡郡縣。十月入奏置丞。從六品。主簿。從八品。錄事。從九品。各一人。後又罷司隸臺。而留司隸。從事之名。不為常員。臨時選京官清明者。權攝以行。續談助大業雜記。東都東

留臺

海錄碑事。晉張方劫惠帝。帝幸長安。朝堂南第三街。第一司隸臺。漢射荀藩等。與其遺官在洛陽為

留臺。承制行事。安帝時。劉裕置留臺。具百官。葉夢得曰。兩京留臺。皆有公宇。榜曰。御史臺。舊為前執政重臣。休老養疾之地。故例不事事。皇祐間。吳正肅公為西京留臺。獨舉其職。時張堯佐以宣徽使。知河南府。郡政不當。有訴於臺者。正肅即為移文詰之。堯佐惶恐。奉行不敢異。其後司馬溫

谷熙寧元豐間相繼為者十七年。雖不甚預府事。然亦守其法令甚嚴。如國忌行香等班。列有不肅。亦必絕治。自創置官觀。後重臣不復為用。常調庶官。比官觀給使請俸。差優爾朝廷既但以此為恩。故來者奔走府廷。殆與屬吏無異矣。

東西臺

晉紀惠帝永興元年。冬十一月。

乙未。濟河張方請帝謁廟。因切帝幸長安。方以所乘車入殿中。帝馳避後園中。方逼帝升車。左右中黃門鼓吹十二人步從。唯中書監盧志侍側。方以帝幸其臺。帝令方具車載宮人寶物。軍人因劫掠。後宮分爭。府藏魏晉已成之積。掃地無遺矣。行次新安。寒甚。帝墮馬傷足。尚書高允進面衣。帝嘉之。河間王顯帥官屬步騎三萬迎于霸上。顯前拜謁。帝下車止之。以征陽為留臺。承制行事。號為東西臺焉。宋治平二年。祖無擇言。門下與中書尚書三省。其長官皆掌宰相之任。今乃左省在西。右省在東。不可。乞將中書省與門下省對移。唐龍朔中。嘗改左右省為東西臺。西臺近事會。元唐龍朔二年。改侍郎為西臺侍郎。舍人為西臺舍人。唐語林高宗朝。改門下省為東臺。中書為西臺。尚書省為文昌臺。故御史臺呼南臺。南朝同武后朝。御史有左右肅政之號。當時亦謂之左臺右臺。則憲府未

曾有東臺西臺之稱。惟俗間呼在京為西臺。東都為東臺。李栖筠為御史大夫。後人不名者。呼為西臺。不知出何故事。宜以其名上有栖字。故邪。趙璘歷祠部郎。同舍多以祠曹為目。璘因質之曰。祠部改後。唯有職祠司禮。二號無祠曹之名。為以後漢疎寵辟司徒。府轉為解曹。掌天下獄訟。其平決無不厭伏。又晉朝荊州人。為羊祐諱嫌名。改尸曹為祠曹。故誤呼耳。老學庵筆記。唐人本謂御史在長安者為西臺。言其雄劇以別分司。東都事見劇談錄。本朝都汴。謂洛陽為西京。亦置御史臺。至為散地。以其在西京。亦號西臺。名同而實異也。南郡新書。伊闕縣前大溪。每條佐有人臺者。即先漲小灘。奇章公為尉。忽報灘出。邑宰列筵觀之。老吏曰。此必分司御史爾。若是西臺。當有鵝鵝雙立於上。即是西臺。牛公舉杯自祝。俄有鵝鵝飛下。不旬日有西臺之拜。常談往錄。歸田錄。俚語云。趙老送登臺。一去更不來。不知是何等語。雖士大夫亦往往道之。天聖中有尚書郎趙世長。常以滑稽自負其老也。求為西京留臺御史。有輕薄子送以詩云。此回真是送登臺。世長深惡之。後竟免留臺也。

三臺

數類漢稱三臺。謂尚

書為中臺。御史為憲臺。謁者為外臺也。見漢官儀。又錦帶書曰。蘭臺。謁者臺。御史臺。為三臺。蔡邕傳曰。邕舉高第。補侍御史。又轉持書御史。還尚書。

三日之間。周歷三臺。漢之蘭臺。本藏書之室。御史大夫有兩丞。其一居殿中。掌蘭臺秘書。外督部刺史。內領侍御史。受公卿奏事。舉劾按章。故曰中

丞持書。即蘭臺也。蔡邕自侍御史轉持書御史。還尚書。為周歷三臺。是以御史臺。蘭臺。尚書臺。為三臺也。持書御史者。本漢宣帝元鳳中。因詔溫舒

上書。宜尚德懷刑。帝深采覽之。李秋請辭。時帝幸宣室。居次事。令侍御史二人持書。故曰持書侍御史。持書本治書也。唐則高宗時。省持書御史。後

置中丞云。隋大業三年。始行新令。有三臺。五臺。數類唐高宗龍朔二年。改尚書省曰中臺。門下

省曰東臺。中書省曰西臺。秘書監曰蘭臺。御史臺曰憲臺。設有五臺之號。唐新語曰。高宗時。姜恪以邊將立功。為左相。閣立本為右相。時以年饑。放

國子生歸。又限令史通一經。人為之語曰。左相宣威沙漠。右相馳譽丹青。三館學生。放散五臺。今史明經謂此五臺也。行臺。南史

紀。元帝始為湘東王。太清三年三月。侯景陷建鄴。武帝密詔授帝位。假黃鉞。大都督中外諸軍事。司徒承制。於是立行臺於南郡。而置官司焉。與地

紀勝云。唐武德時。建東道大行臺於蔣州。資治通鑑昭宣帝。天祐三年十月丙戌。王建始立行臺於蜀。建東向舞蹈號慟。稱自大駕東還。制命不通。

請權立行臺。用李晟鄭畋故事。承制封拜。仍以榜帖告諭所部藩鎮州縣。
元一統志陝西鞏昌府。宋紹興九年。胡世將為宣撫。即縣治為行臺。其後
鄭剛中。漕臺合肥郡志宋設漕臺以轉運江襄漕憲陸公張士元嘗為
亦然。漕臺使建稽古閣今在東北隅有基豫章續志轉運使始於唐

開元二年。河南少尹李傑。充水陸轉運使。十八年置副。以宣州刺史兼
所為江淮轉運使。仍以鄂州刺史兼奉送。河南少尹蕭昊為之副。國朝因

之官制。名稱少異。又有判官考之實錄。開寶九年。知昇州楊克遜兼江南
諸州水陸計度轉運事。職兼東西兩路。故治不在豫章。太平興國二年。知

洪州王明兼江南西路轉運使。時止以郡守兼之。故漕臺未有治所。雍熙
中。楊斌漕江西實始為治焉。在府城東北二百四十步。後經兵火。紹興四

年。轉運使張澄復新之。有宋題名可考。改卜于子城東門外二十餘步。
總以外門分為東西兩衝。倉廳居其兩間。舊無門。止循東西兩司左右廡

往來。淳熙十年九月。漕使蘇峴始為之於後。漕使不並除臺治。亦偏廢。歷
年既久。愈多圯壞。紹定改元。運判文公彌念。悉撤其舊鼎建為一。規模宏

麗。大非昔比。宋韋驥集福建漕臺題名記。聖宋諸道置使曰轉運者。雖
以經度增稅為名。而進賢舉能發姦。儲休養兵止盜治賦均役清刑罰平

訟訴。究利病審因革。凡州縣之所得推而行者。無不兼總而督察之。朝廷倚其言以爲黜陟。取舍之信其任豈輕哉。閩部八州號節鎮者。三而督府居其一。領縣四十六。占籍之戶無慮百餘萬。儒冠搢紳。布滿田野。公卿鉅人。間出其間。漸陶薰灼。可謂至矣。而敎壞桀黠。怙陰肆螫於霧山烟海之間者。無時無之。猶吏舞文謝賂。與夫頑頓吳詬之俗。飾詐交訟。亦倍獲於他部。藏之用度以萬計。緡者百有二十。較帛不與焉。而所入不足以枝其費。貢輸之金當十之三。出於巖崖不常之產。市於蟻聚。游手不逞之徒。以應不可違之期。會運致廢於險阻。儲峙病於蒸溼。即山以鑛。煮海以販。緩之則害法急之則滋寇。凡此者皆所宜督察區處而必知要之所在。然則居是任者尤難其人。太平興國初始遣轉運一使。至慶曆中增置判官。元祐之制或雙除而不遣使副。然使副判官稱號則殊。其操權統領一也。自置使臣來百餘年間。類多閩人。其風績播在人口。固有班班可稱者。稽其顯榮則丁龐二公致位丞相。登侍從者凡七八人。蓋亦盛矣。而治事之廳題名蔑然無以示遠。豈前人有所未暇耶。殆忽焉細故而不爲之爾。僕承乏于此。行將受代。因求諸集牘得其姓名。次以年月。其不得者闕而不書。乃刊寘東壁。且虛其末。以俟繼至。庶以補一時之遺。而使來者有所考究焉。

米強幾。聖詩迺漕臺感書。郡縣齊瞻使者麾。馬蹄行處是霜威。前驅與免
為負弩。高謝未能圖拂衣。顧已自知吾道在。折腰甘被俗人譏。古來策足
皆貧賤。伊起耕夫呂釣機。元。耶律鑄詩元質先生美赴漕臺。成行有日。要
以贈言。某以同僚之義。不敢謙默。龍構荒拙。以叙別意。執簡臚司再聞
餘。一。臺更署漕臺書。擬聳多識門喧。瘦馬束歸食有魚。蓋底夜明閑點
慘。琴中流水弄虛徐。紫微光動若先去。誰謂功成獨不居。朱希顏詩餞呂
子敬赴漕臺。北風吹海波。寒氣已慘栗。歲功方告成。上計倉廩實。大府
督先期。列城群彥集。公未親奉辭。王事有遠役。入登和鈞堂。詔訴侍前席。
力陳功利源。首先二三策。民實吾同胞。苛痛體均一。商賈趨懸遷。負販致
其力。上以奉王供。下以和民食。嗟余忝命史。三載戴下邑。適丁歲屢艱。課
計虛所入。使車動遠人。問俗考肥瘠。念茲災疹餘。推額減其籍。寒者煦之
溫。飢者哺之粒。獨非大府嚴。雲雨手轉劇。公歸被顧問。為我對以臆。倘能
出泥澤。窮困非所惜。相

御史臺

燕語考典。京師省寺皆南向。惟御史
臺北向。蓋自唐已來如此。說者以為

隋建御史臺。取其與尚書省便道相近。故唐因之。或云御史彈治不法。北
向取肅殺之義。莫知孰是。然金臺門上獨設鵠吻。亦非他官局所有也。長

安志按鄴都故事曰御史臺在宮城西南其門北開又故城御史臺亦北開龍朔中置桂坊為東朝憲府門亦北開然都御史臺門南開當時創造者不經反於故事同諸司蓋以權宜耶譚賓錄曰北開者或云是隋初移都之時兵部尚書李圓通兼御史大夫欲向省便近故開北門元和四年御史臺佛舍火劉直御史李膺一季俸料鄭氏譚綺御史臺謂之霜臺憲署憲府相署相臺為府為臺黃文獻公筆記漢因秦官置御史大夫掌副丞相所居曰府曰寺亦謂之憲臺宋博傳但稱御史府而後人多引博故事稱相臺為臺蓋御史有两丞其一在蘭臺謂之中丞其後大夫廢遂獨存與尚書謁者並為三臺齊有都水臺隋有司隸臺唐御史臺嘗改憲臺又改蘭政臺而門下為東臺中書為西臺秘書為麟臺不專以御史所居官署為臺也若夫所謂大行臺者自魏晉至隋唐皆有之其官有令僕尚書丞郎郎官猶今之行省而所謂外臺者漢以稱州郡唐以稱三司監院之帶御史者宋之監司既不帶御史人以其掌糾察之任亦循習呼之曰外臺云漢官解詁注云西京謂為御史府亦謂御史大夫寺東京謂御史府為御史臺亦謂之蘭臺寺而應劭漢官儀云廷尉按責上御史臺此則當是廷尉呼為御史臺非當行臺名也後魏書凡公事百官朝會名簿皆

尚書令僕以下悉送南臺。註南臺御史臺也。北齊書御史臺掌糾彈勅中丞一人。治書侍御史二人。侍御史八人。殿中侍御史檢校御史各十二人。錄事四人。領符節署令一人。符璽郎中四人。後周以爲司憲府。隋書百官志御史臺梁國初建置大夫。天監元年。復曰中丞。置一人。常督司百察。皇太子以下。其在宮門行馬。內違法者。皆糾彈之。雖在行馬。外而監司不糾。亦得奏之。專道而行。達尚書丞郎亦得停駐。其尚書令僕御史中丞。各給威儀十人。其八人武冠絳鞬。執壽儀囊在前。囊題云宜官吉。以受辭訴。一人緇衣執鞭杖依列行。七人唱呼入殿。引望至階。一人執儀囊不望屬官。治書侍御史二人。掌舉勅官品第六已下。分統侍御史侍御史九人。各曹掌知其事。糾察不法殿中御史四人。掌殿中禁衛內又有符節令史員。隋高祖置御史臺大夫一人。治書侍御史二人。侍御史八人。殿中侍御史監察御史各十二人。錄事二人。廷昌中王顯有寵。於宣武爲御史中尉。請革選御史。此後踵其事。每一中尉則更置御史。自開皇已後。始自吏部選用。仍依舊八直禁中御史臺。煬帝時。增治書侍御史爲正五品。省殿內御史員。增監察御史員十六人。加階爲從七品。開皇中御史直宿禁中。至是罷其制。又置主簿錄事員各二人。五年又降大夫階爲正四品。減治書侍

御史為從五品。增侍御史為正七品。唯掌侍從糾察其臺中簿領。皆治書侍御史主之。後又增置御史從九品。唐書職官志御史臺大夫一員。中丞二人。侍御史四人。主簿一人。錄事二人。主事二人。令史十七人。書令史二十三人。殿中侍御史六員。令史八人。書令史十八人。監察御史十員。殿中監一員。少監二員。丞二人。主事二人。令史四人。書令史十二人。亭長掌故各八人。唐書百官志御史臺大夫一人。中丞二人。侍御史六人。殿中侍御史九人。監察御史十五人。或曰文明元年。改御史臺曰肅政臺。先天元年。分左右臺。左臺專知百司監軍獄。右臺專察州縣有風俗。尋命左臺兼察州縣兩臺。敬宗發使八人。奏曰風俗。秋曰廉察。以四十八路察州縣。兩臺御史有散。有檢校。有員外。有議。神龍初。皆廢。景雲三年。以西臺置兼糾察。尚察百察。載其嘆乃廢右臺。延和元年。復置。歲中以尚書省隸左臺。月餘而右臺復廢。至德後。諸道使府奏獄皆以御史為之。謂之外臺。後有檢校。兼行內供奉。或兼或攝。諸使下官亦如之。會昌初。升大夫中丞品。兼都督。臺有中丞一人。侍御史一人。殿中侍御史二人。監察御史三人。元和後。不置中丞。以侍御史。殿中侍御史。監察御史主尚臺務。而三院御史亦不常備。舊例御史臺不受訴訟。有通辭狀者。即於臺門候御史。御史徑往門外。

收採知可彈者。畧其姓名。皆云風聞訪知。永徽中崔義玄為大夫。始定受
事御史。人知一日劾狀。題告人姓名。舊唐書職官志御史臺。秦漢曰御史
府。後漢改為憲臺。魏晉宋改名蘭臺。梁陳北朝咸曰御史臺。武德因之。龍
朔二年。改名憲臺。咸亨後。先宅元年。分臺為左右。號曰左右肅政臺。專知
京百司。右臺按察諸州。神龍復為左右御史臺。延和年廢。右臺先天二年
復置。十月又廢也。新唐書百官志御史臺。大夫一人。正三品中。丞二人。正
四品下。大夫掌以刑法典章。糾正百官之罪惡。中丞為之貳。其屬有三院。
一曰臺院。侍御史隸焉。二曰殿院。殿中侍御史隸焉。三曰察院。監察御史
隸焉。凡寃而無告者。三司詰之。三司謂御史大夫中書門下也。大事奏裁。
小事專達。凡有彈劾。御史以白大夫。大事以方幅。小事署名而已。有制覆
囚。則與刑部尚書平。閱行幸乘路車。為導。朝會則率其屬。正百官之班序。
逐明列於兩觀。監察御史二人押班。侍御史額舉不如法。羣文武官職事
九品已上。及二王後。朝朔望。文官五品以上。及兩省供奉官。監察御史員
外郎。太常博士。日參號常參官。武官三品以上。三日一朝號九參官。五品
以上。及折衝當番者。五日一朝號六參官。弘文崇文館。國子監學生。四時
參。凡諸王入朝。及以恩追至者。日參。九品以上。自十月至二月。榜帽以朝。

五品以上有珂。蕃官及四品非清官則否。凡朝位以官職事同者先爵。爵同以齒。致仕官居上。職事與散官數官合班。則文散官居職事之下。武散官次之。勳官又次之。官同者異姓為後。親王嗣王任文武官者從其班。官卑者從三品。郡王任三品以下職事者。居同階品之上。非任文武官者。嗣王居太子太保之下。郡王次之。國公居三品之下。郡公居從三品之下。縣公居四品之下。侯居從四品之下。伯居五品之下。子居從五品之上。男居從五品之下。以前官召見者。居本品見任之上。以理解者。居同品之下。本司參集者。以職事為上下。文武三品非職事官者。朝參名簿皆稱曰諸公。凡出不踰四面闕。則不辭見。都督刺史都護既辭。候旨於側門。左右僕射侍中。中書令。初拜以表讓。中書門下五品以上及諸司長官。謝於正衙。復進狀謝於側門。兩班三品以朔望朝。就食廊下。殿中侍御史三人。為使往之。唐會要武德初。因隋舊制。為御史臺。龍朔二年四月四日。改為憲臺。咸亨元年十二月二十三日。復為御史臺。光宅元年九月五日。改為左肅政臺。專在京管百司。及監軍旅。更置右肅政臺。其職負一準左臺。今按察京城外文武官寮。以中宗英王府材石營之。殿中侍御史石抱正繕造焉。神龍元年二月四日。改為左右御史臺。景雲三年二月二日。廢右臺。先天二